



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XX. Die Fervarii.

urn:nbn:de:hbz:466:1-9625

XX. DIE FEBRVARII.

P. FRANCISCVS
NETUS.P. FRANCISCVS
DE MORALES.Hispanus
Vallisolet. 1546. 20
Febr.
Vocatio.Conciones.
Lib. 3. n. 82.

Paupertas.

Hic Theologiâ, lauto Sacerdotio, & egregiâ diuini verbi prædicandi felicitate Vlyssiponæ celebris, cumque Societati se adiungere deliberasset, populum eâ de re admonendum putauit. Aut ego (aiebat ad populum, inquit Orlandinus) vera vobis adhuc diem cecini de loco hoc, aut veritatem celando fefelli. Si vera cecini, ea quâ debui libertate perdocui, quod me fecisse profiteor; requiritur profecto, vt quæ vobis audientibus de paupertate disserui, ea putetis esse verissima. Sed illud mihi forsitan obijciat quispiam: quomodo tu secularis homo cum sis; & in medio vulgo versaris; ita ista prædicas? contraria sunt dicta factis. Quam tu nobis paupertatem, quam commodorum despicientiam narras! qui pingui Sacerdotio; & Ecclesiæ redditibus diues es? vitæ tuæ non consentit, oratio tua. Hæc, & similia sibi ipse dissimulanter obiectans, & ratiocinando percurrrens, ad extremum ita conclusit: *Atqui vt intelligatis me ex hoc loco suum vobis non fecisse sed verissima prædicasse, hoc ipso momento temporis, linquo omnia, & ad diui Antonij Archimandrita (nempe Societatis domicilium) rectè propero, vt bonis illis, cum Patribus Christum sequar.* Haud aliter fecit, ac dixit, vniuersorum approbatione mirificâ. Quod postea exemplum alios etiam quosdam ex eadem Ecclesia sequi non piguit. Addit illum è Lusitaniâ Vallisoletum postea concessisse, *ibi, dum miro cum fructu concionaretur, summo cum populi totius lætèu religiose descensisse.*

E Parocho S. Vincentij factus in Societate operarius inconfusibilis & admirandus. Egregiâ sui victoriâ, seuerâ corporis afflictatione, & orandi studio insigni ad omnia. Coram SS. Sacramento se præparabat; & tum prædibat, ad quempiam pro morte, vel pœnitentia disponendum, Tum illi Crucifixum dabat, rogabatque vt illum tantisper aspiceret, nec post longam, sed feriam, & meditatè factam allocutionem, humi penes illum sedebat alto silentio preces pro illo fundens: mox in singultus & lacrymas soluebatur, & mollicebat sæpè cor, etiam obstinatum. id quod illi cum ijs, qui ad supplicium damnabantur, prorsus ex animi sententia successit: quorum vnusquispiam, cum iam è ferilibus seclis deijci deberet, circumfusum populum allocutus dixit magnosensu: Magnoperè hortor omnes, vt cum se à fine vitæ prope abesse viderint, P. Franciscum Morales pro extremo felicitis mortis oppetendæ adiumento accersant: & norint secum perbenè actum iri. Cuidam, vt videbatur, sano dixit: eius valetudinem pessimo loco esse: quare illi vt confiteretur persuasit, & illicò eidem Sacram synaxim, ac extremam vñtionem impertijt; quam secuta mox expiati ac vñcti mors excepit. Sæpè illi Christus vt ait eius vita, & sæpè DEIPARA se videndam præbuit, cuius honori Franciscus à multis annis de genibus rosarium recitabat coram SS. Eucharistiæ Sacramento. Inter acerbissimos 26. dierum dolores, cum vo-

Hispanus
Vallisolet.
20. Feb. 1595.

Euchar.

Industria
Crucif.Christus
B. V.

Patentia in morbo.

Delecta Deum.

Mors.

Sacrum. Anima. Purgab.

cem dedisset doloris. testem, audiuit dicentem Christum: *Tu quereris, & ego rideo videndo te*: & repente Franciscum incredibilis animi voluptas incessit, dicentem: Et quid est, quod magis optem ego, quam te Domine, delectare? si tu rides hos meos dolores, veniant, veniant illi expectati feliciter. Dixit, & in fortissima patientia possessam animam ad migrationis articulum orandi patiendique studio comparavit; confessario enixè rogato, ut curæ illi tantisper alias omnes postponeret, sibi que ad extremum vsque fidelis assisteret. P. Ministrum domus. pro quo mortuo celebrabat, ab illo in altari visum lætum & arridentem, & alia fufius prosequar in vita Francisci in annuis 1595.

P. IOANNES A CAMPIS.

20. Feb. 1611.
Ap. Ant.
Balinghea.
B. V.

DE hoc hætenus plura Francisci non potui, quam quoddam insignitè addictus fuerit colendæ Virgini Mariæ. Eapropter perpetuam Dei Matris memoriam ut præoculis haberet, eius rosarium gestabat in manu. Quolibet die Sabbati Nouitios adibat, illis ali-quod de B. Virgine exemplum piè tenere que narrabat. Sub mortem Patrum cuidam. O si nosset, inquit mi Pater, quantum in morte afferat animo solatium DEIPARAM singulari studio coluisse.

Sabb.
Mors.

P. LVDOVICVS CER- QUIERA EPISC. IAPON.

Lusitanus
Nangasachi
20. Feb. 1614.
p. 62.
Soc. 48.

EBoræ Tiberiacensis Antistes consecratus & in Iaponiam missus anno 1598. 5. Augusti Nangasachum intravit, omni Episcopali apparatione Philippi II. Regis expensis affluentè

instructus. Etiam Ethnicis proceribus gratum illum faciebat compositus ille agendi tenor. Amabant in illo Iapones Christiani paternas pro filijs curas, & pastorale officium amoris solitudinisque plenissimum. Tempora quatuor Iaponibus Parochiis, & supellectile sacrâ instruxit. Quinque Iapones minoribus, septem alios item Iapones maioribus, seu Sacris. Ordinibus initiavit. Accurate aduertebat, ut sui è Christi lege vitam ducerent; & se pro grege lupis Ethnicis feliciter opponebat, inde quoque suorum amorem ac disciplinæ Christianæ vrgendæ vim intendens. Lusitanorum nonnulli Iapones in mancipia olim asportabant: vetuit Ludouicus, & sacrum Ecclesiæ fulmen iecit in eos, qui abistere recusabant. Nobiles ob fidem exules fouebat priuatâ liberalitate, sui muneris emolumenta illis præbens, quæ à sigillo, quæque à multis veniebant. Alijs egenissimis quibusque cibos è domo sua præberi iubebat quotidie. In consilijs cautus admodum, peccati vmbra omnem sapienter ac persanctè verebatur; nec decernebat quidquam, quod non aliorum iudicio subiecisset; omnes & Generalem Præpositum potissimum, non minus veneratus, quam si esset vnus ex nobis. In eius domo litania B. V. palàm ab omnibus quotidie recitata: *Salve Regina*, Sabbathis ibidem à Clericis, Musicisque cantatum. Signa dabantur, quibus partitè distribebatur tempus in ea munia quæ in Collegijs more vsuque recepta sunt. Suum orandi studio, suum conscientie, quas Clericis explicabat, quæstionibus, tempus dabatur. Fuit denique tanquam ex aurea ætate petitus Iaponensis Ecclesiæ Pater, atque Apostolus per annos 16. quibus illam Ecclesiam gubernauit.

Zelus.

Miseria.

B. V.

Ordo domi-
stium.

CVR.

Anglu
Londr
Febr.
stat. 5
Soc. 23

Hispan
Cardel
in Gall
21. Feb.
Stat. 4
Soc. 23
B. V.
Iuuiua

B. V.
Mors.

J. Teresa

CVRBERTVS PRES-
COTTUS STEPHANI
COADIVT.

Anglus
Londuni, 20.
Febr. 1647.
Ætat. 55.
Soc. 23.

Suppeditando ex Anglia Seminario
Audomarenſi iuuentuti dextrè ad-
dictus, nobilem ea in re inter plura
diſcrimina operam nauauit non ſemel
captus, & liber. Captus tandem ite-
rum, ad extremum, cum Sacerdos

non eſſet ad furcam damnatus non eſt;
ſed in carcerem perpetuum Londini
conditus; eò quòd è ſolemni formulâ
illud inſurandum fidelitatis (vt vo-
cant hæretici) præſtare noller, quod
integrâ Sedis Apoſtolicæ ac fidei Ca-
tholicæ authoritate Catholicus nemo
poteſt. In carcere in omnes beneficis,
eoque charus omnibus fuit, donec an-
norum plurimum, quibus ibi artineba-
tur, ærumnæ illum ſenſim attriuere,
ac morte optatâ conſumpſere.

Fides.

Charitas.

XXI. DIE FEBRVARII.

P. MARTINVS
GUTTIEREZ.

Hispanus
Cardeliaci
in Gallia.
21. Febr. 1573.
Ætat. 49.
Soci. 23.
B.V.
ſtupida.

An te initam Societatem, inter
prima ingenia; in Societate anno
1550. initâ, inter primæ notæ
viros vitæ ſanctimoniâ excelluit. In
B.V. honorem feriâ quartâ, & Sabba-
to ieiunabat; & Sabbato anno 1573.
illi Romam per Gallias eunti B. Virgo
prædixit mortem intra octo dies ad-
futuram, cum ad B. Virginis ædiculam
iret cum ſocijs. Inde redux vnâ cum
comitibus, ab hæreticis captus; per-
cuſſus, illuſus, & in carcere ærumnis
confectus eſt; etiam ſacris reliquijs,
& ſacrâ ſupellectile ab hæreticis in-
dignè tractatâ, quod dicerent, *Hispa-
num Regem, & Inquiſitionem in ſectario-
rum necem ſemper eſſe intentos.* idque ha-
buit, quod olim petenti B. Virgo an-
nuerat, vt ſine vllò humano ſolatio
moreretur. Adfuit eo mortuo Matro-
na ſpectabilis, quæ cadaver nitidè
compoſuit, & videri deſijt. S. Tereſta,
datis ad P. Hispaniæ Aſſiſtencem Ro-
mam literis affirmauit, ſibi illum à
Deo in Martyrum choro oſenſum.
Victoriæ in Cantabria, Sacerdoti ſa-
pud quem P. Martinus cum comitibus

fueraſt diuerſatus) ſanctimonialis eo-
dem anno dixit 21. Febr. Patrem è
tribus vnum, eumque qui Deipara
fueraſt magis ſtudioſus, hoc die in Gal-
lia diem vltimum obiſſe. P. Ioannes
Fernandus retulit, Martinum ſerenâ
facie ſibi conſpectum; ab eoque ſibi
enixè commendatam Dei memoriam.
Cum ab orandi contentione capitis
dolore prohiberetur, coram Deiparæ
imagine opem illius demiffè flagita-
uit, & ſummam in orando facilita-
tem, ac felicitatem impetrauit. In ſo-
cijs magnoperè contendebat, vt om-
nibus magnæ erga B.V. religionis ſtu-
dium imprimeret. Conſpectâ in tri-
clinio, dum egrederetur, Dei Matris
imagine, adeò exarſit, vt in conclaue
ſeedere prius quàm ad aliorum con-
ſortionem iret, ibique ſuos ætus ex-
plicare, componereque debuerit. S.
Ioannem, S. Mariam Magdalenam, &
ſanctos Beatiffimæ Virgini olim fami-
liares, hoc nomine præ alijs colebat.
Potens erat dicendo ad concionem:
ſed cum de B.V. ageret, ſupergredie-
batur ſe ipſum, lōgè tunc ſe auguſtior.
Ipſam verò DEIPARAM adeò familia-
riter videbat, vt conſpectis varijs eius
imaginibus facilè diſcerneret, hanc
veſtillam, præ aliâ, DEIPARÆ faciem
propius

B.V.
Mors aius-
nita indi-
cata.

Præſentia
Dei.
Diſce à
mortuo
B.V.

Imago B.V.

B.V.